



Tir Yimyim

www.tiryimyim.in

e-mail : tiryimyim@gmail.com

TAPAK 7

Regd. No. RNI. NAGAAO/2004/13113. Postal-NE/RN-717.



Tir Yimyim



tir_yimyim



tir yimyim

TAPAK 3



Martial law mech South Korea Tir
Yoon mapa nungi anentsüogo

Thailand nung PM Modi-i Bangladesh
Ienir Yunus den senden amen

VOL. XXII ISSUE NO. 171 (ADOK 171) DIMAPUR KÜPTOKNÜ SATURDAY RONGCHII (APRIL) 05, 2025 ₹ 5.00

Nagaland nung digital health ecosystem ajungkettü meranger

Dimapur, April 4, 2025 (TYO): Department of Health and Family Welfare, Nagaland-i anogo ananü digital health solutions atema senden ka ayonga menogo.

Iba senden ya April 2 & 3, 2025 anogotem Regional Adviser for Digital Health at WHO, SEARO Karthik Adapa, IAS den amen.

Senden nung mendenji Commissioner & Secretary, Health & Family Welfare Anoop Kinchi, IAS liasü aser Department of Health & Family Welfare nungi ketdangsürtem den healthcare aser digital health sectors nung sendaktepa alirtem aden.

April 2, 2025 nü Karthik Adapa aser Directorate of Health & Family Welfare ketdangsürtem tsüngda olemtepang electronic health records, telemedicine platforms, aser health data management systems dena free open-source digital health solutions indang lemsatep.

Dr. Karthik-isa inyakyim balala nung digital health solutions sendakteptsü atema tebilebatem lemsatepa liasü.

April 3, 2025 nü parnoki Nagaland Health Authority asadanga liasü.

MIP, GPRN/NSCN-i metongshitsür

Dimapur, April 4, 2025 (TYO): Ato Kilonser N. Kitovi Zhimomi lenisüba kubok GPRN/NSCN nung Ministry of Information and Publicity (MIP) ajanga April 4, 2025 nü adokba sangdong nung temelensi ka asüba metedaktsüogo.

GPRN/NSCN-i Neokpao

indang olen ka züluba nung Western Chakhesang Public Organisation (CPO) ta amshia lir saka ibaji Western Chakhesang Hoho (WCH) ta melenshitsü metedaktsür aser iba aibelen atema sasar ta MIP, GPRN/NSCN-i sangdong ka nung ashi

Mimi Circle & Laruri-Siitsu ken o angatetteptsü

Dimapur, April 4, 2025 (TYO): Mimi Circle aser Laruri-Siitsu tsüngda ali mangatetep ken o tuluba akümba aser March 28, 2025 nü lendong atalokba atema tebilemtsü abener ta Pochury Hoho (PH) aser Yimkhing Tribal Council (YTC)-i metedaktsüogo.

Tawa lendong atalokba ya Yimkhing aser Pochury nunger tsüngda masü saka yimtsüng kar tsüngda atalokba lior. Anungji iba ajanga kin ana asoshi tebilemtsü khuret ajurutsüa shingaia meinyatsü metedaktsür ta YTC President Throngso Yimkhing aser PH President Chonpa Jurry nati sangdong ka nung ashi.

April 4, 2025 nü DUDA Guest House, Kohima nung YTC aser PH tsüngda senden ka amenba sülen iba osang metedaktsü.

Ibalu lendong ajanga kin ka tsüngda yimjung aser tesentaktep mejungi kümdaktsür aser yirua

alir ajak tekaraba nung tanepstsü angutsü sarasademer ta parnoki ashi.

PH aser YTC-isa Mimi Circle aser Laruri-Siitsu nung alirtem dang arenzükteptsü aser ozüng alema mapa meinyaktsü tetuyuba agütsüogo. Parnokisa osangkakettem nung sangdong magütsütsü aser ashishitep aketba ali nung mapa kecha meinyaktsü metedaktsüogo.

YTC aser PH külemi iba tesem semdangstsü aser teti atema lemteka agitsü merangstsü. Anungji Laruri Development Committee (LDC) aser PAPO kubok village Council anati Pochury Hoho nem tetuyuba agütsüba sota atattsü mepishir ta parnokisa ashi.

YTC aser PH-isa Home Commissioner aser ozüng amertem dang iba ken o tangatetep kati maru tashi ashishitep aketba ali nung security peria lemzüksütsü mepishihi.

Battle of Kohima sülen küm 81 buba ajungba bilemtet



Kohima, April 4, 2025 (TYO): Hokolbarnü Kohima War Cemetery nung Battle of Kohima bilemteta 81 buba sentong ka ayongzüka agiogo.

Iba sentong nung World War II mapang taküm bendanga agütsüba sepaitem nem tetushi agütsüogo.

Iba tongpang nung Assam Regiment nung Commander Lt. Col. Bruno Brown'er semchir Charlotte Carty-i iba tongpang indang olen ka lemsatep.

"Battle of Kohima ya sepa telok tila kati tenzük aser parnok ya mezüngbo tsükchirtemi

meketbanger liasü. Sepai teimbaka India nunger liasü aser parnok ya Assam Regiment nung shilem ka liasü. Assam Regiment ya Jessami aser Kharasom nung mapa lemezükja liasü saka Kohima kümzüka ayutsü atema parnok jila anüksü ateam meypa aja" ta Carty-i ashi.

Iba tongpang nung Assam Regiment nung Commander Lt. Col. Bruno Brown'er semchir Charlotte Carty-i iba tongpang indang olen ka lemsatep.

"Japanese nunger ali nung mezüng tamakok ngudaktsübäji Battle of Kohima liasü. Iba tongpang ya rara nung temelensi ka anguba dang masü saka Japan nungeri West tsütsü ulushia aotsü tatembangba tesem liasü" ta lai ashi.

Iba tongpang nung taküm bendanga agütsüba sepaitem, talisa India aser Naga nungeri shilem tajung agiba ajanga Allied forces-i Japanese sepaitem noktangtet, ta Carty-i ashi.

"Naga nunger maden asübo Allied forces-i Kohima nung takok mengutetla. Naga nungeri iba tongpang nung Allied forces nem teyari tulu agütsü" ta laisa shisem.

Ex-Servicemen League Kohima ajanga ayongzüka agiba sentong nung Carty den külemi züngsem 7-i WW-II memorial nung naro yuja tetushi agütsü.

Manipur MLA temi Assam CM Sarma den ajurutep

Guwahati, April 4, 2025 (Agencies): Manipur nungi BJP General Secretary dena MLA teneti North-East Democratic Alliance (NEDA) convenor aser Assam Chief Minister Himanta Biswa Sarma den ajurutepo.

Hokolbarnü parnoki Guwahati nung CM Sarma den ajurutep aser osang angazükba agi MLA temi pa dang Manipur nung yimjung bener arutsü aser tensa süngejemsü atema mapa inyaktsü ayongzük.

Manipur MLA temisa Sarma

dang Assam nung Kuki lennirtem dang Manipur nung yimjung mapa inyakba nung pusema nungittsü mesüzüksü atema ayongzük.

CM Sarma-i June 10, 2025 nü Manipur semdangstsü sentong lir aser iba ya May 3, 2023 nü mepetmesü adokba sülen pai mezüng semdangstsüba lir.

Tanü CM Sarma den ajurutepa BJP MLA temi-j K. Govindas Singh, Kh. Ibomcha Singh, L. Susindro Meitei, Th. Shyamkumar, NPP MLAs Th.

Shanti aser M. Rameshwar Singh, JD(U) MLA Abdul Nasir nunger lir. Parnok den BJP Manipur Unit General Secretary K. Sara densema liasü.

Manipur nungi MLA temisa Guwahati nung Thadou nunger Hun benjung nung aden.

Külen, Union Home Minister Amit Shah-i tawa tu Manipur nung mangatetep adoka aliba kin ana kobi melii New Delhi nung ajurutepa tatembang senden amentsü osang metedaktsüogo.

ANCSU-i Technical Education department den tebilemtsü lemsateper

Dimapur, April 4, 2025 (TYO): All Nagaland College Students' Union (ANCSU)-i Technical Education & Transport Advisor den shidi ka ajanga tebilemtsü kar lemsatepogo.

ANCSU-i polytechnic institutes sema senzüdang department aika nung lectures, demonstrator/ instructor peria maliba ajanga kaketshirtemi skills training junga agitsü atema hadir peria nüngdaker saka reju aika nung hadir peria mali

kaketsirtem bus services tajung nüngdaker aser technical department ya human resource department ka asünung kaketshirtem aser staff asoshi affordable, accessible, aser sustainable transportation agütsü tim, ta ANCSU-i Advisor dang ashi.

ANCSU-i polytechnic institutes aika nung hadir peria maliba indang tebilemtsü lemsatep. Technical students-i skills training junga agitsü atema hadir peria nüngdaker saka reju aika nung hadir peria mali

anungji polytechnic institutes nung lab aser technical equipment shitak agütsüslü. Ano reju kar nungbo tzü peria mangu timtemer anungji department-i iba khuret ya reprangstsüa ta parnoki ashi.

Nagaland nung kaketshirtem sensaker kibongtem nungi lir aser tsürabur aika aluyimertem mesüra senotsü

peria mangurtem lir. Anungji kaketshirtem bus services tajung nüngdaker aser technical department ya human resource department ka asünung kaketshirtem aser staff asoshi affordable, accessible, aser sustainable transportation agütsüslü tim, ta ANCSU-i Advisor dang ashi.

Khelhoshe Polytechnic Atoizu aser tanga polytechnic rejutem nung bus talila agütsüslü aser Government Polytechnic Tsunazho o tanga institutions nung bus drivers shimsüla ta ANCSU-i Advisor metedaktsü.

Maneni department-i Khelhoshe Polytechnic Atoizu aser tanga Polytechnic Institutions nung Girls & Boys toilet tajung yanglutsüla ta ANCSU-i metedaktsüogo.

Tsüsapang sector nung saw mill ka arong



Tsüsapang sector nung saw mill arongba noksa angur

Mokokchung, Rongchii/

April 04(TYO): April 4 anepdang 1:00 ako meta mi tuluka adoka Mokokchung Yim kubok aliba Tsüsapang Sector nung aliba Saw Mill ka kangasa mejungi rongtok. Iba mi ajanga Mill anasa anena ayuba Alto gari ka rongpet.

Saw Mill nung ya süng aser osettsüset aika nangdena aliba rongtok, tesamabaji asadangra Crore 2 adokerta Saw Mill kibur Tajungnükshi-i

metedakstsü.

Iba lendong ya atalokli dang Fire and Emergency ajanga mapang shitak nung yaritepba ajanga lendong tuluba matalokta Tajungnükshi-isa ashi.

Mill kibur-isa ashiba agi mijji kechi ajanga adok ibajibo mejangja saka atalokli dang Fire and Emergency, District Administration, Assam Rifles, Chuchuyimpang Baptist Church, Alisüngkum Baptist Fellowship, Tsüsapang Sector

Yimden, Tsüsapang Baptist Church, Kilengmen Union Mokokchung, Longpa Union Mokokchung aser teyariteper ajak dang pelaba metedakstsü.

Fire & Emergency Services Inspector Keleseho Stephen Tsükru-i ashiba agi parnok nem 1:36 am nung osang agütsüli dang apusoa ao Water Tankers 15 agia-ang khonda 4 tashi nungang mijji remseptet aser iba lendong ajanga yiruba aser tasüba mali asüta ashi.

Kohima nung State Mega Legal Services sentong ayongzüksü

Dimapur, Rongchii/April 04

(TYO): Deputy Commissioner, Kohima, B Henok Buchem, NCS ajanga Kohima district kubok yimtsüng/wards ajunga dang welfare legislations aser schemes indang awareness agütsütsü, welfare schemes jangjatepa nüburtem den sendakteptsü aser nüburtem nem legal tsütsü tebilemtsü ajurua aliba nung lenmang sayutsü nükjidong nung April 12, 2025 anüngdang 12:00 ako

nungi nikongdang 6:00 ako tashi NBCC Convention Hall, Kohima nung State Mega Legal Services Programme ayongzüksü, ta sangdong ka nung metedakstsü.

Iba sentong nung Supreme Court of India indang Judges, Minister of State (Law & Justice) Government of India aser Gauhati High Court indang Judges tem adentsü.

Anungji Kohima district kubok Village Councils, Village Development Boards indang

Management Committee, Women Organisations, Youth Organisations, aser Ward ketdangsür ajunga dang iba sentong nung adentsü asoshi pei aliba yimtsüng/wards nungi nübu anepalua yoktsü ayongzüker, ta ashi.

Iba sentong ayongeri chiyongtsü agütsütsü. Senzüsempongtsü aser nüngdak balala atema Vizapale den 9615629285 ajanga tongteprateptsü akok, ta sangdong ajangasa ashi.

Dimapur nung Army Recruitment Outreach Programme agi

Dimapur, Rongchii/April

04 (TYO): Officers aser Agniveer densema category balala nung Indian Army recruitment ulushitsü mechii Army Recruitment Office (ARO), Rangapahar ajanga Dimapur nung extensive outreach program ayongzüka liasü.

Iba sentong ya Spear Corps Zonal Workshop den teka amteper April 4, 2025 nü

agia liasü, kong Nagaland Tool Room & Training Centre, Dimapur nungi temsüa aliba kaketshir 83 dak tema aden, ta sangdong ka ajanga ashi.

Iba sentong nung Agnipath scheme, küm pezü sülen manongka balala indang jembia liasü.

Maneni National Defence Academy (NDA), Indian Military Academy (IMA),

Officers Training Academy (OTA), Military Nursing Services (MNS) aser Territorial Army (TA) den Service Selection Board (SSB) interviews indanga lemsatepa liasü.

Tejangrar tem dang scheme shia eligibility criteria, application procedures aser shimba yimya indang rateta ashi aser posters, pamphlets amala lema agüja liasü.

Governor's Award atema metedakstsür

Dimapur, Rongchii/April 04

(TYO): Department of Art & Culture, Govt. of Nagaland nungi osang aruba ama Arts, Music & Literature 2025 nung dangar dang alakteta tajung alirtem atema Governor's Award atema nomination asoshi lira tenüng agütsütsü metedakstsüogo.

Area Administrative Officers Mokokchung, Head of Offices Mokokchung aser Ao Senden-i anir NGOs temi temsüa aliba candidate indang tejangja April 25, 2025 tashinung Office of the District Culture Officer, Mokokchung nem agütsütsüla, ta sangdong ka ajanga ashi.

Indian Army indang CEE asoshi metedakstsür

Dimapur, Rongchii/April 04

(TYO): Agniveer Categories ajunga atema Common Entrance Exam (CEE) asoshi Online Registration ya kibong makum aliba teburtem asoshi March 12, 2025 nungi April 10, 2025 tashi atema lapoka lir, ta Army Recruiting Officer, Rangapahar sangdong ka ajanga tongteprateptsü akok, ta sangdong ajangasa ashi.

Jangra aliba candidate

stem Indian Army indang official website www.joinindianarmy.nic.in ajanga online apply asütsüla. Timtem adokra, candidate temi ARO Rangapahar den 7628023484, 03862 - 249012, email: aroarangapahar77@gmail.com ajanga tongteprateptsü akok, ta sangdong ajangasa ashi.

Public Accounts Committee indang senden ayonger

Dimapur, Rongchii/April 04

(TYO): MLA aser Committee on Public Accounts indang Chairman, Mhathung Yanthan-i Public Accounts Committee, Nagaland Legislative Assembly indang Introductory-cum-Oral Evidence Meeting April 9, 10 & 11, 2025 anogotem anüngdang 11:00 ako nungi tenzüka C Chongshen Chang Committee Room, NLA, Kohima nung ayongzüka lir.

Committee ajanga Report of the Comptroller and Auditor General of India for the year 2021-2022 indang Audit para(s) nung Oral Evidence agitsü.

Anungji nüngdakba Department nungi AHOD aser HoD dang Committee matsüngdang kuli agütsütsü asoshi item anogo arua adentsü metedakstsür, ta sangdong ajangasa ashi.

Committee züngsem ajak iba senden nung arua adentsü ayongzüker, ta sangdong ajangasa ashi.

GHS Mangmetong nung hostel ka semzükogo

Dimapur, Rongchii/April 04

(TYO): Government High School Mangmetong nung kaketshirtem atema co-educational hostel ka April 4, 2025 nü semzükogo.

Iba sentong ya DEO Mokokchung, Sentinenla-i sentong akhumdong ka ama moatsü, kong NECTAR aser DEO establishment nungi teshimtet lenirtem dena liasü.

Sentinenla-i iba sentong nung o tatsüka jembidang school Iba hostel ya nüburtemi yaritepa yanglu, kong nüngdakba osettsüset agütsüba kisüng masü saka kaketshirtem tekolok shisatsü ainba nung nüngdakba ajunga angutsü.

Skill Development ajanga training agirtem dang metedakstsür

Dimapur, Rongchii/April

04 (TYO): Nagaland nung aliba Govt. Industrial Training Institutes balala nung training agir aliba Trainees tem dang 2023-24 (i.e 1 year course 2023-2024 and 1st year of 2 year course 2023-2025) atema CTSS portal (<https://serviceonline.gov.in/directApply.do?serviceId=2600>) nung April 15, 2025 nungi May 15, 2025 tashinung Stipend atema apply asütsü metedakstsür, ta Director, Employment, Skill Development & Entrepreneurship, Nagaland ajanga sangdong ka nung metedakstsü.

Ano trainees shirnok agüja aliba portal nungi apply mesüteter, parnoki portal nungi register asütsü atema pei Institute den osang agüteptsüla. Latetja aliba mapang nung apply mesüteter asoshi ketdangsüri khuret mabentsü. 2 year course (2022-2024 sessions) indang 2nd year trainees temi portal nungi apply asütsü menüngdak, kechiaser parnok register süogo.

Portal nung register asütsü atema passport size noksa, Bank Pass Book front page aser Govt. ITI Identification Card nüngdakstsü, ta sangdong ajangasa ashi.



NPGs balala nungi NSCN/GPRN-R (Akato) dangi nisung 39 meyipa shilanga liasü. Parnok rongnung Naga Army ya Col. John Magh, Col. Ikheho Chishi aser Capt. Tiso Angami nungeri anir liasü aser Civil cadres ya Kilonser N.Ovung aser Dy. Kilonser David Lotha nungeri anir liasü.

Thailand nung PM Modi-i Bangladesh lenir Yunus den senden amen



Bangkok, Rongchii/April 04, 2025: Hokolbarnü Thailand yimtiba, Bangkok nung 6buba BIMSTEC senden aliba mapang nung Ato kilonser, Narendra Modi-i Bangladesh interim sorkar nung chief adviser, Muhammad Yunus ajurudang tangokba noksa nung angur.

Bangkok, Rongchii/April 04 amendang tena den India junga yuner ta shiogo," ta (Agencies): Hokolbarnü External Affairs Minister S Jaishankar aser National Security Advisor, Ajit Doval nata liasü.

Senden nungji Ato kilonser Modi-i Bangladesh lenir den par linük nung Hindu nunger densema minorities anema inyakba tebilemtsü lemsatep.

Tesülen osangbenertem den jembidang Foreign Secretary, Vikram Misri-i, "Ato kilonseri Bangladesh nung democratic, tashitait sorkar aser ajak züngokba sorkar amenoktsü atema India-i yaritsü ta ashi. Paise linük ana tesendaktep tajungba akümtsü atema nüburtem tsüngda tesendaktep junga alitsüji India nunger tangatetba lir, ta ashiba den külemi linük ana tsüngda amalitepa inyakba ajanga linük anaprongla nungi nüburtem kanga tajangzük ngua aruogo ta ashi. Iba dak sendakba nung pai Professor Yunus dang India-i Bangladesh den tesendaktep

Yaküm August ita nungi tenzüka India aser Bangladesh na tsüngda tesendaktep mejungi kümogo. Hasina-i aniba sorkar atsüngdokba sülen Bangladesh nung Hindu nungertem amakba tatalokba aika liasü. Modi aser Yunus na senden Bangladesh den tesendaktep

Foreign Secretary-i, Ato kilonseri Bangladesh nung Hindu nunger densema minorities atema tebilemtsü akaba lemsatepba den külemi Bangladesh lenir dang minorities kümzüka alitsü atema Bangladesh sorkari inyaktsü imlar ta shiogo, ta metedaktsü.

Ano külen Yunus-ia Ato kilonseri Modi dang, Bangladesh-i India den tesendaktep junga aliba ya senti süa züngshir, ta ashi.

Bangladesh lenirisa BIMSTEC züngsem linük 7 tsüngda Free Trade Agreement tezüngzüktep agitsü atema India nem yaridaktsüner ta ashi.

April 04, 2025 nü Kolkata nung Muslim nungertem Waqf Bill anema longkak aitdang tangokba noksa nung angur.

Congress-i Waqf Amendment Bill anema SC nung ken o benoktsü



April 04, 2025 nü Kolkata nung Muslim nungertem Waqf Bill anema longkak aitdang tangokba noksa nung angur.

New Delhi, Rongchii/April 04 kongshitsü, ta metedaktsü. (Agencies): Hokolbarnü AICC general secretary, Jairam Ramesh-i, kobi melii Congress party-i Waqf (Amendment) Bill, 2024 anema Supreme Court nung ken o benoktsü, ta metedaktsü.

Parliament nung Waqf (Amendment) Bill agizükba sülen anogo ka lir Hokolbarnü Congress-i, iba Bill ya linük temzung alema lir, aser iba Bill ajanga Muslim nunger yimsü dak sendakba maparen balala nung

"Onoki melung alemer aser Modi sorkari India linük temzung nung tangatetbatem, özüngtem aser inyakyimtem anema inyakbaji onoki maneni nokdangtsü," ta pai ashi. Ramesh-isa, INC-i Citizenship

Amendment Act (CAA), 2019 anema benokba ken o Supreme Court nung angadangdar, ta metedaktsü.

Paise, 2019 küm RTI Act, 2005 indang amendments anema Congress-i benokba ken o-a Supreme Court nung angadangdar, ta metedaktsü.

"INC-i Conduct of Election Rules (2024) amendments anema benokba ken o Supreme Court nung angadangdar," ta Congress lenirisa metedaktsü.

Lok Sabha nung budget senden tembangogo


New Delhi, April 04 ministry balala atema senotsü (Agencies): Hokolbarnü Lok Sabha nung Budget senden taküm January 31 nü tenzükba sülen Hokolbarnü tembangogo.

Congress lenir Sonia Gandhi-i jembiba o ka ajanga senden ghonda ka shi thinenba sülen Hokolbarnü anüngdang 12:00 ako nung tanaben senden tenzükli Lok Sabha Speaker Om Birla-i anküp o jembiba aser senden tembangja liasü.

Waqf bill atema jembidang Sonia Gandhi-i, Waqf bill atema o melemtepi sorkari kangshia iba bill agizük, ta jembiba atema lai tatok meshitsüla, ta treasury benches-i takhangba agüja liasü, aser ibaji ajanga ghonda ka jungnüs senden thinen.

Lok Sabha Speaker, Om Birla-i, tan mongpu senden nung bill 16 agizük, ta metedaktsü.

Tan mongpu senden nung



New Delhi, April 04, 2025: Hokolbarnü Lok Sabha senden tatembangbuba nung Speaker, Om Birla-i jembidang tangokba noksa nung angur.

FORM NO. 14

[See Regulation 33(2)]

OFFICE OF THE RECOVERY OFFICER- I/II
DEBTS RECOVERY TRIBUNAL, GUWAHATI
Suworna Bhawan, House No. 12, New Town Path,
Near Hanuman Mandir, G.S. Road, Ulubari, Guwahati- 781007 (Assam)

DEMAND NOTICE

Recovery of Debts & Bankruptcy Act, 1993 nung Sections 25 nungi 28 tashi aser Income Tax Act, 1961 Second Schedule kubok Rule 2 nung ajemdaker notice agütsür.

RC / 307 / 2024

BANK OF BARODA

-Versus-

MRS. APALE AND ANOTHER

To,

(CD 1) MRS. APALE

W/o Shri Jadav Saikia, House No. 360, "E" Khel, Doyapur Road, Toulazouma Village, Dimapur Sadar, Dimapur, Nagaland State- 797112

(CD 2) SHRI JADAV SAIKIA (Co Borrower)

Son of Shri Akon Saikia, House No. 360, "E" Khel, Doyapur Road, Toulazouma Village, Dimapur Sadar, Dimapur, Nagaland State- 797112.

OA/328/2023 nung DEBTS RECOVERY TRIBUNAL, GUWAHATI nung Presiding Officer-i agütsüba tetüuya nung ajemdaker Recovery Certificate nung aliba

ama Rs. 24,27,378.15 (Rupees Twenty Four Lakhs Twenty Seven Thousands

Three Hundred Seventy Eight and Paise Fifteen Only) den pendentelite aser

future interest @ 8.50 % Compound Interest Monthly, 17.06.2023 anogo nungi

tenzüka sentsüh mouma tashi aser costs Rs. 27,005/- (Rupees Twenty Seven

Thousands Five only) na anema (Jointly and Severally / Fully / Limited) lir ta metedaktsür.

(1) Recovery Certificate nung aliba sentsüh: Rs. 24,27,378.15

(2) Interest 17.06.2023 nungi 17.12.2024 @ 8.50 % Rs. 3,52,292.14

(3) Costs Rs. 80,000.00

TOTAL Rs. 28,59,670.29

Recovery (-) Rs. 00.00

Rs. 28,59,670.29

2. Nü dang osangkaket nung iba osang agütsüba anogo nungi tenzüka anogo 15 tsüngda tekalek shia aliba sentsüh agüjäng ta tuyur, mesura Recovery of Debts Due to Banks aser Financial Institutions Act, 1993 aser Rules nung ajemdaker sentsüh alangzüktü.

3. Nü dang taruba ken o angadangba anogo matlongdangsa mesura iba anogo tashi nungi affidavit nung nü kiojen sangdongang ta tuyur.

4. Nü dang, maneni ken o angadangtsü atema 23.05.2025 anogo nungi anepdang 10:30 ako tashi nung tsünglanglen sign sua alir matsüngdangi arung ta tuyur.

5. Tamalen shia aliba senotsü dakji alia nai item ya-a agütsüsa akümtsü:

(a) Iba notice agütsüba/execution proceedings mapang nungi tenzüka sen temlok.

(b) Iba notice aser warrants agütsüba den külemi sentsüh alangzüktü atema

tanga inyaksanghidang indokba costs, charges aser teindokba ajak agütsü.

Tsünglanglen kù meyongnem aser iba Tribunal indang seal iba anogo nungi

agütsür: 04.03.2025.

RECOVERY OFFICER-II
DEBTS RECOVERY TRIBUNAL, GUWAHATI



TIR YIMYIM

YIMOBILEM (EDITORIAL)

DIMAPUR SATURDAY, APRIL (RONGCHII) 05, 2025

Kechiba Electric Gari ?

- Tangsen Lemtur

1 981 küm India nung gari million 5 shi dang liasü, 2022 küm tashi nungbo India nung gari million 70 dak tali aküm aser tangbo million 80-90 shi alitsüa akok. India nung petrol aser diesel totzü atsükba gari million paikaji ajanga mopung kanga menentsür. Tang alima nung mopung temenentiba aliba yimti 20 (Top 20) nungi yimti 13 bo India nungi lir, ta taoba hopta IQAir report ajanga metedaktsüogo. India nung mopung kanga menenba ya sorkar atema tebilemtsü onük tuluka kümogo; iba tebilemtsü pungbatsü atema India sorkaria nübertem dang Electric Gari amshitsü ajungshia asalentong balala benoka inyaker. 2030 küm tashi nungbo India nung gari tasen ayokba shilem 30 bo electric gari asütsü nükjidong nung India sorkari Faster Adoption and Manufacturing of Electric Vehicles (FAME) scheme ajanga EVs (Electric Vehicles) ajungketsür. Yaküm India nung gari tasen ayokba shilem 8 bo electric gari liasü, aser ibaji 2023 küm den medemdgangra shilem 6.8 agi teimba ayokba lir. Electric gari battery yangludang amshiba oset 35 bendanglen nungi alizükba nung saru magitsü atema India-i telemtetba agiba ya-a India nung iba sector ajungketsütsü nükjidong nung lir. Ano külen India sorkarisa 2025-26 kümsük tembangba tashi nungbo linük tesem balala nung public EV charging stations 72,300 amenoktsü atema sen crore aika lemzüktsüogo. Tang alima nung electric gari teimtiba ayokba company ji China nung BYD lir. Taoba ita BYD-i EV battery charging technology tasen 'Super-E platform' sayaogo. BYD-i ashiba agi, AFT ta ajaba technology tasenbaji ajanga minute 5 tsüngda Electric Gari ka 'full charge' sütetsü, aser ibaji ajanga gari lagi kilometer 400 tashi senzütetsü. Tang-tangbo iba technology ajanga China nungertem dang ajangzüktsü saka mapang ka nungbo iba technology lagi asenok-a atongtsü südi. Iba ama technology denji külemei electric gari jenjang dalangba kümra mesüra petrol-diesel garitem den jenjang kasa dang kümra kobi melii ajaki electric gari dang amshitsü südi. Tang India nung electric two wheelers bo kanga sapua amshiteper, saka four wheelers electric gari alirtembo shilem 2 shi dang lir, ibayongji India sorkari electric gari amshitsü ajungshia teyari balala agütsür. FAME scheme kübok sorkari subsidy agütsür aser EVs den charging stations nung GST ajema agir. Electric Vehicles ajungketsütsü atema sorkari PM E-Drive scheme-a tenzükogo, ajisüaka iba scheme yabo electric two-wheelers atema dang lir. PM E-DRIVE scheme kübok subsidy agütsüba ajanga 2024-25 kümsük nung electric two-wheelers (e2w) million 1 dak tali yokogo. PM E-DRIVE scheme kübok küm 2 atema (March 31, 2026 tashi) sen crore 10,900 lemzükja lir. Electric gari nung jenjang tasakbaji battery lir, kechiyong gari jenjang nungjagi shilem 40 bo battery jenjang lir. Iba kuli ajanga sensaker linük aika nung EV bulua mamshir. India-i EV battery yangluba osettem nung saru magitsü telemtetba agiba ya US den shishilembaba tsütsü tesendaktep tajungba akümtsü atema lir, ajisüaka tongtibangba nükjidongjibo linük nung gari nungi adokba mokozü ajanga mopung menendaktsüba nokdangtsü atema lir südi ta bilemer. India nung EV battery yangluba den külemei iba technology nung research agiba ajanga mapang ka nungbo India-a iba sector nung aintsü.

OLEMSABANG

MESHIEBO MELITETBA TEPELA LEMSATEPPER

~ K. Lima Longkümer

March 17th 2025 (Monday) anüpdrag Tir yimyim aser Ao Milen ajanga Naga Lima Khrista Asoshi Naga kin palala dangi aotsü ABAM ajanga nübu shimba shirsa liasü 17-03-2025 anüpdrag tashibo shirnoksa shim memetete liasü ajisaka 17-03-2025 anüpdrag Tir yimyim azünge lennir tajung kar ajanga kü dangi

mobile ajanga jempidang parnok küt nung record kar yua aliba ashi, ni panünungjagi parnok ki tonga oa ajuruteppa parnoki kü dangi parnoki yua alibatem copy akizükka agütsü.

ABAM ajanga shimetba asen tsüraportemji nübu (100) noklang ka tenüng tejangja den parnok aotsüba kin denna lemzükja lir. Ano parnok nisung noklangka (100) khupenner-a noklang ka-shi junga alitsü südi ta amanger kechiyong Arogotem nungi Pastor aser mungdang nungi tantsü tampo-a aeka tensemma lir, iba kuliji yamai angur, Zunheboto (Sema) limaleni aotsü ABAMi shimba nungi Pastor-3 aser Ex-Pastor ka parnok khupenner pezü (4) tensemma lir, iba lagi sayur. Naga Kin terterok (16) dangi aotsü ABAM-i shimmer yamai; Rev-2, Ex-Pastor-2, Pastor-29, Mungdang Evan.-2, Head Master-2, Master-2, ABAM Staffs, CE, aser Sunday School nungi ano yimtsüng palala nungi sempet tajung aküttetem tenna alitsü, ano tetsür airtema (4) pezü densemma lir, yangi yimtsüng Argo nungi shimba khupennerbo general minutes nung züngsemma mali. Tetsür air karbo lar tenüng rangpen mezülü anungji larnokbo ni tenüng rangpen (Ajunga) akinür.

1. Miss. Karikala 2. Miss. Kitimenla 3. Miss. Moala 4. Miss Noksangla. Ni pilem nung Miss Noksangla ya Rev & Dr. Noksangchila yaongyimsen alitsü cüdi. Imlibilema tenüng tesadang alirji tenüng rangpen aser larnokbo yim tenünga akinür, anungji chirnur aser sosemtemi kü dangi tejangja zülur yokangma. Mobile No. agütsür. 9402867797 Whatsapp, 7085513927- Call.

Kü nüm record agüja yariteppertemji ni nüja yarir macü aji saka Naga songjen atema teyari agütsürtem lir, parnok ajak dang alaktetta pelasetter. Parnok kibongtem tenüng tetta meshirabang iba shity mepirir.

1. Rev. Dr. N.Toshi Mulongkimong (Diphupar-A). Pai agütsüba The General Minutes of the CRUSADE (NAGALAND FOR CHRIST 1959).
2. ER. T.YANGER (Rtd) Dibuia S/o. Rev. A. Temjenungsang. (Aoyimti) okula yangerbai agütsüba pa teboi pa Diary Book nung zülua aliba Booklet kümma Computer nung ajenner agütsü iba den ano tepo indang "Mapa Aser Taküm otsü" kaküt tulu ka jenjang akütba kaküt tulu ka denna agütsü.
3. Er. O.Lanu Imsong (Lanuchuba) Rtd Unger Village, Linrijan, Dimapur pa küt nungi mengujemba record ka Rev. Longkok-i ashiba angu. Nagaland For Christ ya Naga nungeri ali delung nung ola madoke kümsa K.Lima Longkümer küm nemanga yutsüba sülen tanü kaktetter (Küm 66 Sülen) ta shia okula Lanubai tepela agi pungtenna kü den 20-03-2025 anüpdrag yakta kü den jempi. Ni panüjisa par kidangi aludang moyalen atalokba yamai ashi. Indian Army labiji Naga Underground ta temulung malem Naga Christian Mission ary-tem dak merang yinzü agi alener merangbong süng aser lisü agi reppa/azükba pai kanga ko-ko aitsü. pa arshi küm 90 ajungtsü anogo 13 ie on 03-04-2025 anünga lia (Date 20-03-2025) pa kinungtsü onok asem sarasadem akir senshi.
4. Odila M.Panger Longkümer (Rtd) Longjang Village (Kashiram) Dimapur. Pa kinungtsü Mrs. Kilangla, P.Longkumer D/o. Rev. Tsüknung Imchen. Par kibongia kü nüm Rev. Tsüknung Imchen (An Autobiography) jenjang tulu akütba agütsü. Iba kaküt nungjia Nagaland For Christ indang zülutenbatensemma lir. Isaia 26:3. nung yamai ashir. Ne dak sotta aliba temulung nai tesüneper teperi nung ayur' kechiaser nai Pa dak amanger.
5. Tir yimyim, Ao Milen danga kangasa pelar. Item osang kaküt malika asüa aor-a komasa lillah na?? 1959 to 1960 küm ana piyong parnok meeting menna jempitepbaji tsürapor Rev. Kijungluba Impur kidang atenshiasa zülu. Iba, The General Minutes of the CRUSADE (Nagaland For Christ) ajakji tsürapor Rev. Tsüknung Imchen aser Rev. A. Temjen tenadisa zülutenba lir.

Parnok kibong pezü lagi kü nüm sungu tajung den tachetsü agütsü parnok kibong pezü ya apuani kata meloksa ajak ano health tajung oda ashitsü agi sound body kechiyong parnok ajak jogo arshi küm dir nungi tokur tashi tain lir, aser parnok ajakji tasoshia aliba kibongtem dang lir. Khrista tejangja akarbo yamajisa alir ati. Parnok kibong ajak nung tatembangnung kü dak nümetta sarasademtsüba ni asoshi kaküt zülutsüba nung aser kü daküm temang asoshi Tsüngrem nungi temoatsü meshezükja ni moatsü.

Parnok kibongtemji ni aser ozü kibong asoshi "Tsüngrem Senko" Ajuru. Praise the Lord Haliluya.

**Iba Olemsabang nung lemsaba ken-o aser shisatsü ya iba ocet züldü
bilemba ken-o ama tazünge ri angateta agitsü mepishir**

Iraq nung Khristantem benjung amongdang nisung kati amak



April 01, 2025 nü Iraq nung Assyrian Khristantemi 'Akitu' benjung amongdang tangokba noksa nung angur.

April 04, 2025: Iraq nung yiruogo.

Khristantem benjung ka nung Islamic züngsem kati amakdang Khristan aika yirutsüba sülen kettangsertemi iba tatalokba bushisüngdangdar.

April 01, 2025 nü Assyrian Khristantem meyirjang aika küm tasen benjung 'Akitu' amongtsü atema Dohuk yimti nung yimdong süa jajadang Islamic züngsem kati amak.

Khristantem iba benjung amongdang nisung ka po amer arua "Islamic State, maneni Islamic State alitsü" ta ayimdena Khristantem amakdang lokti jagi pa apu.

Iba nisungbaji Kurdish Muslim nunger lir ta jangjaogo.

Iba tatalokba nungji arrshi küm 17 tebur ka aser arrshi küm 75 tantsür ka na tekolakret 'fracture' asü aser security sepi kata yirua par asemprong hospital-i anir ao. Iba dak alia nisung kar kanga mejungi

metedaktsü.

Iba ya kiralongrar telok kati asalentong yanglur amakba masü saka nisungba lagi pa nije sasep nung amakba südi, ta bilemer. Ajisüaka Khristantem Iraq sorkar kettangsertem dang iba tatalokba jungjua bushisüngdangtsüla, ta takhangba agütsüogo.

Assyrian Democratic Movement (ADM) nung züngsem, Ninab Yousif Toma-i, "Onoki sorkar dang nisungtem nem tesempa tangatetba agütsüba yimsü tesayuba aser shisaliok reprangshitsü aser yimsü dak sendakba nung alia oa inyakba reprangshitsü mepishir," ta metedaktsü.

"Middle East nung yimsü ajanga yimsüsür. Onok minorities bo kanga timtemer, kechiyong onok kin tila aser yimsü dak sendakba nunga onok nütsüng ajema alirtem lir," ta pai ashi.

"Ajisüaka onok (Khristantem) yangi joko küm meyirjang aika alir ta metedaktsü atema tanü onoki yimdong süa jaja. Tang amakba ya ajanga onok menokdangtetsü," ta pai ashi.

August ita nungi 'The Resurrection of the Christ' film tangoktsü

April 04, 2025: Taküm August ita nungi 'The Resurrection of the Christ' film tangoktsü aser iba film ya Mel Gibson-isa direct asütsü.

'The Passion of the Christ' film kanga takok anguba sülen mapang talangka nungi yongya-a aliba The Resurrection of Christ film tangoktsü.

August ita nung Rome nung aliba kanga nüngtugu Cinecittà Studios nung iba film tangoktenzüktü, ta iba Studio nung CEO, Manuela Cacciamani-i metedaktsü.

Interview ka nung jembidang Cacciamani-i, ta metedaktsü.

"Taruba film 'The Resurrection of Christ' ya Mel Gibson-i direct asütsü aser Icon Productions-i produce asütsü. Iba film ya

Gibson-i, "Iba otsü jungjunga ashitsü atema Tsüngrem anema apusoba kodak tenyartem nungi tenzüktü nüngdak," ta ashi.

The Passion of Christ film nung Yisu shilem agisang Jim Caviezel-i maneni The Resurrection of Christ film nunga Yisu shilem agitsü.

2004 küm sayaba 'The Passion of the Christ' film ya kanga nüngtugu aküm aser iba film ajanga US kija nunga dollar sen million 370 aazükteta liasü.

Iba film ajanga Hollywood nung Khristan film tem atema lenmang lapoktsü, ta züngshir.

Asia Theological Association General Assembly Taipei nung agitsü

April 04, 2025: Asia

Theological Association (ATA) Triennial General Assembly August 11 nungi August 15 tashi Taoyuan, Taipei nung ayongzüka agitsü.

Taküm iba mungdang atema shimetba omenji "Christ-Like Leadership Formation for Our Turbulent World" alitsü.

Anogo pongunu mungdang nungji plenary sessions alitsü, onük balala nung o lemteptsü, kaket ayoktsü aser Tsüngrem

külemtsü.

Iba mungdang ya Khrista mesükba nung lenirtem arangshitsü nükjidong nung ayongzük. Tanü putu nung mejangjaba tensa mapang ka nung tamang aser shisatsü nem lenirtem len anidaktsü atema lenirtem arangshitsü.

Rara, lendong aser temenen kanga züinba mapang ka nung lenirtem pei tajaba tejangja meteta lenitsüla aser Khrista mesükba tenzükba mapa

ANOGO ABEN TSÜNGREM DEN

Kidang Sayuba Mapa

- Tazüng 6:4-9

Senso ka küma indaktsüba mapaji tepeňa aser mapang talangka agia inyaktsüba mapa lir. Tsüngremi asenok nem inyakyim tejangja kar agüja lir ta asenoki bilemtettsüla. Iba inyakyimji Tsüngrem tsübuba Khristan kibong nung shidak inyaker.

Shingaia Pa memetetba sayutsü makok. Anungji Laishiba nung ozüngtem, ainkartemi jembiba aser inyakyim sayua alibaji tsüraburi tekolok aser temulungjang nung zünga ayutsüla.

Ano, ochi temetebaji ochi shia amshitsüla. Tesayuba tajung nung tangatetba aser taküm tatishitsü anaprongla dena lir.

Ano Tsüngrem ochiba koba kibong nem agütsü iba jagi mulungsentsü aser taküm libaliro anaprongla azüokdaktsü mesüra kija ser telok tesendaktep anaprongla nung sayutsüla.

Au, kidang tesayuba tajung agütsütsüba mapa tasak aser tayongzükba mapa ka lir. Aji asünung asenoki ibaji Kümdanga inyaktsüla.

Item ya shisadangang: Tawa tanü kibong nung tebilemtsü timtem lir ta nai amanger asü? Yamaji lira, kechi inyaktsü akok? Nai kechi inyaktsü akok? Nai kechi inyaker?

O Kibuba, Ne telatet ozüng kü dang sayuangma; aser aji ni tatem tashi benshitsü.

Kibuba tajung aser tindang lir: anungji Pai temenen pur dang lemang sayur.

China nung House Church pastor ka küm 5 tepuokdak ayutsü



Pastor Wan Changchun'er kibong noksa nung angur.

April 04, 2025: Bengbu, Anhui nung aliba Living Stone Reformed House Church nung pastor, Wan Changchun küm pongu tepuokdak ayutsü obendang agütsüogo.

2023 küm April ita nung Pastor Wan pua liasü, ta Bitter Winter-i metedaktsü.

House Church kettangsüba dak sendakba nung pai ashikülak mapa inyakgor, ta pa nem tai tonglokja pa küm pongu tepuokdak ayutsü obendang agütsü.

China nung Communist Party nungi kettangsertem aser police-i aiben Khristantem, talisa Pastor tem aser Khristan

lenirtem aputsü, amokmerentsü aser jail nung puoktsü atema tiyazu nung tai tongloktsü; ibaji talisa register süa maliba house churches shibangdaktsü nükjidong nung inyaker, ta Bitter Winter-i metedaktsü.

Chinese Communist Party-i azüokba China sorkar kettangsertemi tamangba yimsü ya sorkar atema amokmeren ka ama züngshir. Kettangsertemi Arogotem aser tanga yimsütem anema inyaker. Sorkar den register asüba Arogotemibo timtem kangabo majurur, ajisüaka item ama Arogo nem sorkar tangatetba prokdaktsü.

AO OSHI ANGAZÜKDAK:**TANÜ ANGAZÜKTSÜBA OJANG****Tembu**


(n) tzü tarok masü teladak (shallow water)

* Ayong nung tembu bushia ajanctsüla.

Temchi

(v) shi lepsaa kasasa alem (share of meat equally)

* Benjong nung temchi achitsü atema nashi ka alia ayu.

OLONG PAITEP # 7113**TIPLER**

- | | | | |
|----------------------------|-------|-------------------------------|-------|
| 1. Nisung jenti | - (5) | 1. Tenük telong | - (9) |
| 4. Tsük rudenba | - (5) | 2. Committee dang ajar | - (5) |
| 6. Temzung tesashi | - (5) | 3. Yagi ki okdoker | - (7) |
| 8. S____ i | - (3) | 5. Yim lenmang | - (5) |
| 9. Nisung rongnung telemsa | - (3) | 7. Temotsü keter meyipa aruba | - (9) |
| 10. Anogoshi | - (4) | 11. Kanga junga menemba | - (7) |
| 12. Ajanga aor | - (4) | 12. Kenyongi majinü | - (5) |
| 13. Tsük rizündak | - (3) | 13. Rong kanga tulu | - (5) |
| 14. Tebang nungi adokba | - (3) | | |
| 16. Süngdong tatembangtiba | - (5) | | |
| 17. Meputep | - (5) | | |

LANGTSÜNGLEN

- | | | | |
|---------------------------------|----------------------------------|------------------------|-------|
| 1. Tanga, 6. Wara, 7. Rajang, | 2. Anga, 3. Yabang, 4. Tarok, | 1. Tenük telong | - (9) |
| 9. Anük, 10. Jenjang, 11. Alar, | 5. Orak, 8. Ainer, 9. Anema, | 2. Committee dang ajar | - (5) |
| 14. Ngashi, 15. Nala, 16. Mech. | 10. Jabili, 11. Among, 12. Miim, | 3. Yagi ki okdoker | - (7) |
| | 13. Anem. | 5. Yim lenmang | - (5) |

OLONG PAITEP # 7112 TELANGZÜBA**TIPLER :**

- | | | | |
|---------------------------------|----------------------------------|------------------------|-------|
| 1. Tanga, 6. Wara, 7. Rajang, | 2. Anga, 3. Yabang, 4. Tarok, | 1. Tenük telong | - (9) |
| 9. Anük, 10. Jenjang, 11. Alar, | 5. Orak, 8. Ainer, 9. Anema, | 2. Committee dang ajar | - (5) |
| 14. Ngashi, 15. Nala, 16. Mech. | 10. Jabili, 11. Among, 12. Miim, | 3. Yagi ki okdoker | - (7) |
| | 13. Anem. | 5. Yim lenmang | - (5) |

LANGTSÜNGLEN :**NAI-A YA METETTER MA**

Alima nung temeli talangtiba aketbaji tetsürji California, U.S. nung alir Chanel Tapper dak lir. Guinness World Records-i la nem "woman with the globe's longest tongue" kuli agütsügo. Chanel Tapper indang temeli tasazük ya 3.8in (9.75cm) lir.

Tanur asoba anogo nung salem osang den noksa angati adokdaktsünura - Tenüng, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

NPP Manipur president'er ki nungpoka atutsü merang

Manipur Emasing (United Manipur Mothers) nung volunteers-i NPP Manipur Unit Yumnam Joykumar'er nungpoka atutsü merangdang agiba noksa ka angur.

Imphal, April 4, 2025 anema lisopur kaketshirtemi (Agencies): NPP Manipur unit president-i Arambai Tenngol indang olen ka jembiba atema tetsürtemi aija par ki nungpoka atutsü merang.

Imphal West kubok Naoremthong nung tetsürtemi NPP Manipur Unit Yumnam Joykumar'er ki nungpoka atutsü merang saka police-i noktang.

"Biren-i Kuki-Meitei nunger mangatettep tera junga mangatet. High Court-i Meitei nunger nem ST jenjang tanep tashi nung tatok meshitsü agütsütsü tetuyuba agütsüba takhangba agütsü.

anema lisopur kaketshirtemi rally agi aser iba law-and-order tebilemtsü ya kin o kin tsüngda ken o ka kümdaktsü. Kechiba par sorkari rally tulutem ayonga agi, Churachandpur nung commandos agien aser Arambai Tengol ama teloktem nem Kuki nunger makdaktsü?" ta Joykumar-i ashi.

Iba olen anema Apunba Manipur Emasing (United Manipur Mothers) nung volunteers-i Joykumar dang tanep tashi nung tatok meshitsü takhangba agütsü.

"Onoki iba post nungi AT agienogo. Iba mangatettep adokba atema sasa bilemer aser nenok temulung yirutsüba angateter. Tarutsü nung mangatettep madoktsü atema asenok küleme inyaka odi" ta National People's Youth Front, Manipur State Committee-i Arambai Tenngol dang ashi.

"Asen state atema bendanga agütsürtem AT aser tanga village volunteers den NPP küleme noktaka lir" ta parnokisa ashi.

Governor Bhalla-i NIT Manipur kümzüka ayutsü nangzük**Imphal, April 4, 2025**

Parnokisa Governor dang (Agencies): National Institute of Technology (NIT), Manipur nungi teshimtet nübotemi Hokolbarnü Manipur Governor Ajay Kumar Bhalla den ajurutepe.

Iba senden nung Director Prof. DVNL Somayajulu-i Governor Bhalla den faculty members-i ketdangsübareen nung timtem ajuruba lemsatep aser Raj Bhavan-i yaritsü ayongzük.

NIT campus semdangtsü jaok aser Bhalla-i parnokisa lemsatepba khurettem atema mapa inyaktsü nangzük.

April 1 nü NIT, Imphal nung bomb yuja amokmerenba atema mener lungkak aitba sentong ka agi aser iba sülen parnokisa Governor Bhalla den ajurutepe teyari meshi.

Iba mapa atema Kangleipak Communist Party - People's War Group (KCP-PWG)-i

tenüng agiba metedaktsüogo. Ketdangsür pungui sorkar senotsü tim mesüi amshiba atema parnokisa kümdangtsü metedaktsü.

March 27, 2025 aonung National Institute of Technology Manipur Registrar Kiyamgei Manining Leikai'er kidang hand grenade ka yutsüba anema NIT, Manipur nung kaketshirtem, staff aser ketdangsürtemi lungkak aita liasü.

Assam sorkar mapa inyakertem aser pensioners nem DA tutşür**Guwahati, April 4, 2025**

sorkar mapa inyakertem nem benjung tepela agütsütsü" ta Chief Minister Himanta Biswa Sarma-i ashi.

Maneni, April aser May nung January nungi March tashi kümzütsü mulunga agizükogo.

Iba ya January 1, 2025 nungi tenzüksü aser sorkar mapa inyaker meyirjang aika ajangzüktsü.

Iba lemtet ajanga sorkar mapa inyakertem yaritsü tenangzükba aliba sayur.

"Bihu matongdang DA reprangshitsü aser iba ajanga

PM Narendra Modi menden ser Union Cabinet senden ka

amendang Centre sorkar mapa inyakertem nem Dearness Allowance (DA) aser pensioners nem Dearness Relief (DR) additional installment agütsütsü mulunga agizükba sülen Assam sorkari iba lemtet agiogo.

Centre sorkari January 1, 2025 nungi tenzüka Basic Pay mesüra Pension nung 2% teimba kümber agütsüsü.

GOVERNMENT OF NAGALAND
DIRECTORATE OF HIGHER EDUCATION
NAGALAND: KOHIMA

NO.HED/HOST/1/2016

Kohima,Dated the 3rd April 2025

NOTIFICATION ON NEW HOSTEL REGISTRATION FOR POST MATRIC STUDENTS

It is hereby informed to all those seeking for New Hostel Registrations under the Directorate of Higher Education that the Directorate (Scholarship Section) shall issue forms for New Hostel Registration with effect from 7th April to 25th April 2025 and the last date for submission of the forms will be 30th April 2025. Therefore, any individual who wishes to run a hostel for Post Matric Students may come and collect the forms within the stipulated time.

The registered hostels that are due for renewal are also directed to renew on time, failing which, the hostel shall be considered null & void.

It is also to be reminded and cautioned that the Department issues this Hostel Eligibility Certificate only to facilitate hostel forms for Post Matric Students residing in the Hostels under the provisions of Scholarship guidelines. Hence, any misuse of Hostel Certificate shall be liable to his/her own risk.

Sd/-
(MENUOKHOLIE KIRE)
Joint Director
Higher Education Nagaland: Kohima.

Martial law mechi South Korea Tir Yoon mapa nungi anentsüogo



Seoul, Rongchii/April 04 saka linük indang National (Agencies): South Korea Tir Yoon Suk-yeol-i taoba küm tatemlen martial law sangdongba atema Constitutional Court-i mulungsoa pa mapa nungi anentsüogo.

Acting chief justice Moon Hyung-bae ajanga Hokulbarneb iba obendang zunga ashidang Yoon-i martial law sangdongba kuli agütsüba kata magizük aser tiri pa tashi tali amshia December ita linük yimtiba yimtong nung sepaitem yok ta ashi.

"Defendant-i constitutional institutions indang tashi loksatsü atema military aser police force amshi aser nüburtem indang fundamental rights nung kongshi. Yamaji inyakba ajanga pai constitutional duty meinyaki senzüka yutsü aser Korean nüburtem tamang akaba ashikotsü," ta Moon-i ashi.

"Iba ama oziung alema aser constitution den mapet inyakba ya constitution kübok tatk magütsütetsü," ta obendangeri ashi.

"Yamaji inyakba ajanga konghiba aser timtem adokba tejangja lir, aser constitutional order tanaben benoktsü asoshi tang temendak tir anentsüogo langa lir," ta pai ashi.

South Korea nung martial law sangdongba mapang linük anemer aser North Korean sepaitem sorkari telungzük rakpokogo ta Yoon-i shia liasü,



MINISTRY OF SOCIAL JUSTICE & EMPOWERMENT
GOVERNMENT OF INDIA

DEPARTMENT OF SOCIAL JUSTICE AND EMPOWERMENT

National Overseas Scholarship Scheme kübok Scheduled Castes, De-notified Nomadic and Semi-Nomadic Tribes, Landless Agricultural Labourers aser Traditional Artisans category nung alirtem bendang lima nung oa Masters aser Ph.D courses azüngtsü atema selection year 2025-26 asoshi online applications meshitsü atema Department of Social Justice & Empowerment, Government of India-i NOS Portal lapokogo.

Applications meshitsü atema portal ya **19-03-2025 nungi 27-04-2025** tashi lapoka alitsü aser metongshitsü atema **29-04-2025 nungi 02-05-2025** tashi tanaben lapoktsü.

Form filling atema guidelines tejangja portal nung angutsü. Form fill up masüdang candidate temi Scheme Guidelines nung aliba ama pei temsüa ali-mali reprangtsü ayongzüker.

Portal indang link www.nosmsje.gov.in



Scan QR code
for more details

Israel-i Gaza City nung school ka amak, nisung 27 asü

Gaza City, Rongchii/April 04 agiogo ta ashi. (Agencies): Israel-i tayimtsü amshia Gaza north tsütsü tesem balala nungi adenshia jenoka aliba school ka amakba nung Palestine nunger 27 tepset, ta Civil Defence ajanga ashi.

Gaza City kübok north-eastern Tuffah district nung aliba Dar al-Arqam school amakdang ano nisung aika yiru, ta mozüki nung inyakeri ashi.

Israel mitkari yimti nung Hamas command aser control centre nung tejangja kiralongrar alidak amak, ta ashi.

Tesüiba ghonda 24 tsünta Israel-i amakdang ano nisung 97 tepsetba indang health ministry ajanga sangdonga liasü aser Israel-i Palestine nunger aliba tesem nung shilem tuluba rakzütsü asoshi alilen nungi amakba ulushir ta ashir.

Dar al-Arqam school nung amakba sülen tanur aser tetsürtem densema asü, ta Gaza nung Hamas meyong Civil Defence agency indang odongtar Mahmoud Bassal-i ashi.

Al-Ahli mozüki anasa tangokba video ka nung tanurtem gari aser trucks nung inoker mozüki bushia anir aruba nguogo.

Ajisüaka Israel Defense Forces-ibo Gaza City nung parnoki amakba tesem ya Hamas fighter temi Israel civilian aser sepaitem amaktsü asoshi tasa yangluba tesem liasü ta ashir.

Civilian nem timtem magütsütsü mechii mera aika Brig-Gen Effie Defrin-i Brehostibarnü osangbener

Trump dang langzüa China-i US dang tariff shilem 34 meshir

Beijing, Rongchii/April 04 meshiba ya shilem 54 akum.

(Agencies): US Tir Donald Trump-i linük kar dang tariffs meshiba sülen China-i tayang kepzüka America nungi bener aruba oset ajunga nung tariff shilem 34 meshir, koba April 10 nungi tenzüksü, anungji alima nung rongsenketzung tsütsü tashi tulutiba ana tsünta 'trade war' tamajungba akumer.

Trump-i linük ajunga dang import duties shilem 10 meshi aser China aser European Union densema linük teshimtet kar dang tali meshi. Trump indang 'Liberation Army' mera ajanga global market anokshitsü aser Brehostibarnü S & P 500 ya shilem 4.8-i alu, koba 2020 sülen takoksa tulutiba alitsü, aser Dow Jones Industrial Average ya points 1,679 ajema akum.

Beijing-i 'rare earth elements' tenet nung export controls benoker ta par commerce ministry ajanga ashi aser yangji MRIs nung amshiba gadolinium, consumer electronics nung amshiba yttrium densema lir.

Taoba mapanga US tariffs nung telangzüba agüja azüngken, akshi aser anshi densema US agricultural goods nung saru shilem 15 meshia liasü. International trade nung US akoksaogo ta jembiba Beijing-i magizük aser mangatettep bentettsü asoshi jembishinütsü ayongzük. "Trade war nung takok angur mali, aser protectionism atema

dang shia liasü.

Tesüiba hopta ana tsünta Israel sepaitemi Gaza nung "terrorist targets" 600 dak tema makogo aser kiralongrar 250 dak tema samatsüogo, ta paissa ashi.

Bodhbar nikongdang Israel Ato Kilonser Benjamin Netanyahu-i Khan Younis nungi Rafah shibagtsütsü atema Israel sepaitemi ano military corridor ka amenoker, ta shia liasü.

Mitkar temi yamaji inyakba ajanga Hamas-i pua bener aor tanüngba nisung 59 ya chioctsü, ta pai ashi.

Ajisüaka Hamas-i ceasefire tasen asoshi Israel-i tang tesusa benokba nung shilem magitsü ta shiogo.

Parnok yagi Qatar aser Egypt ajanga benokba sentong agizüker ta ashir, koba anogo 50 rara anena atatsü shia lir.

Iba sentong tejangja temai madok, saka pua alir nisung pongu chioctsü aser iba melen Palestine nunger tepuokdak alirtem chioctsü, Israel sepaitemi Gaza tesem kar nungi ainshitsü aser humanitarian aid bener aitdaktsütsü ta ashir. Rara tembangtsü atema jembitsü.

Hamas-i arütsü alema oa October 7, 2023 nü Israel nung nisung 1,200 shi tepsterano nisung 251 pua bener aoba mechii Israel mitkari iba telok samatsütsü asoshi rara tenzük.

Iba sülen Gaza nung nisung 50,520 dak tema tepsetogo, ta yangji aliba health ministry ajanga ashir.

lenmang mali," ta ashi.

US aser China linük anaprong ya ka mesüra ka asoshi trading partners tematiba lir aser taoba küm United States nung sen \$500 billion jenjang China nunger indang oset ayok, koba China indang export shilem 16.4 liasü. Ajisüaka China nung mapang talangka nungi real estate sector nung sensü agi tsübanger consumption majungba ajanga rongsenketzung shia maruteter.

Trade war tesashiba akumba ajanga 2024 küm exports nung otsü yanglúa rongsenketzung ainba ajemtsü.

China-i United States nung bener oa ayongba osettsüset tem rongnung electronics, electrical machinery, textiles aser aben süoshi tem timba lir aser iba tariff yagi kanga sashia kongshitsü. China dang steel, aluminium aser car imports nunga tariff meshir.

Ajisüaka economists aikati Trump indang tariff yagi US ang tali akoksar tembangtsü ta ashir.

Nagaland Super League Awards Night agitsü

Dimapur, Rongchii/April 04

(TYO): Kanga yongya aliba Nagaland Super League (NSL) Awards Night sentong ya April 8, 2025 nikongdang 7:00 ako nungi tenzüka RCEMPA, Jotsoma nung agitsü renema lir.

Iba sentong nungya mezung buba Nagaland Super League nung alakteta shilem agirtem tushitsü.

Committee of Jury for the Nomination and Selection of the Individual Awards of the NSL indang telemtetba nung nominees tenüngtem shima lir. Jury ajanga iba league tepiyong asayartem yimya balala asadanga liasü.

Jury nungya Neivikoulie Khatsu, Asst. Secretary General, NOA, (Convenor); Mughato Aye, Vice President, NFA; Kuputo Shohe, Jt. Secretary, NOA aser Roko Angami, AFC B Coach nungertem lir.

Iba sentong nung category balala nung sempet agütsütsü.

Awards aser nominees

yamai alitsü:

POSITIONAL MASTERY AWARDS:

1. NSL Golden Glove: Rs. 1 lakh Cheque, Trophy, & Meritorious Citation

Nominees: Dziesengulie Kire (Barak FC) - 25 years, Jersey No. 1; Imtikumzuk Chang (Longterok FC) - 25 years, Jersey No. 1; Ato Awomi (NUSC) - 31 years, Jersey No. 1

2. NSL Best Midfielder: Rs. 1 lakh Cheque, Trophy, & Meritorious Citation

Nominees: Sanyem Konyak (NUSC) - 32 years,



Nominees: Kenumdi Siarau (Barak FC) - 28 years, Jersey No. 23; Cornelius Laldinsang Pudaite (Longterok FC) - 35 years, Jersey No. 8; Ngariyanbam Jenish Singh (NUSC) - 25 years, Jersey No. 8; Lohrii Kaisii (27 United FC) - 23 years, Jersey No. 23; Lankao Henry Kamei (Barak FC) - 29 years, Jersey No. 10

3. NSL Best Striker: Rs. 1 lakh Cheque, Trophy, & Meritorious Citation

Nominees: Manton Wangshu (Longterok FC) - 21 years, Jersey No. 11; Toka Achumi (Barak FC) - 26 years, Jersey No. 20; Jangjagin Kuki (27 United FC) - 24 years, Jersey No. 10; Nisede Peseyie (NUSC) - 21 years, Jersey No. 19

4. NSL Best Defender: Rs. 1 lakh Cheque, Trophy, & Meritorious Citation

Nominees: Toka Achumi (Barak FC) - 26 years, Jersey No. 20; Kevisanyu Peseyie (Barak FC) - 25

Jersey No. 4; Hemping (NUSC) - 31 years, Jersey No. 3; Benirthung Humtsoe (Barak FC) - 25 years, Jersey No. 4; Temjenwati Longkumer (Longterok FC) - 25 years, Jersey No. 4; Salangwati Imchen (Longterok FC) - 20 years, Jersey No. 22

INDIVIDUAL AWARDS:

1. NSL Golden Boot (Top Scorer): Royal Enfield Hunter 350 worth Rs. 1.7 lakh, Rs. 1 lakh Cheque, Trophy, & Meritorious Citation

NSL Governing Body ajanga Best Coach of the League award nüngja "THE

years, Jersey No. 8; Nisede Peseyie (NUSC) - 21 years, Jersey No. 19; Kenumdi Siarau (Barak FC) - 28 years, Jersey No. 23; Kakhevi Assumi (Longterok FC) - 25 years, Jersey No. 9

3. NSL Golden Star (Best U-20

Player): Toyota Glanza valued at Rs. 7.75 lakhs, Rs. 2 lakh Cheque, Trophy, & Meritorious Citation

Nominees: Ngansang Phom (27 United FC) - 19 years, Jersey No. 13; Mangkholen (Barak FC) - 19

years, Jersey No. 44; Namang Yimjong (Longterok FC) - 18 years, Jersey No. 12; Thejangulie Zatsu (NUSC) - 19 years, Jersey No. 24; Ayen Mongba (Frontier Warriors FC) - 18

years, Jersey No. 7

4. NSL Fair Play Award: Rs. 2

lakh Cheque, Trophy, & Meritorious Citation

5. NSL Best Goal: Rs. 50K

Cheque, Trophy, & Meritorious Citation

NSL Governing Body ajanga Best Coach of the League award nüngja "THE

WILLIAM KOSO AWARD" agütsütsü telemtetba agiogo, koba Asür William Koso nünge alitsü. Anungji tang nungi tenzüka NSL edition shia iba award ajanga pa tushitsü.

6. The William Koso Award (Best Coach): Rs. 2 lakh Cheque & Meritorious Citation

NSL MEDIA AWARDS:

Iba asayamung temaba jenjangi ajungketba nung media balalai shilem tajung agiba temaitsü item sempet ya agütsütsü:

* Best Social Media Franchise: Rs. 10,000

* Best Social Media Player: Rs. 10,000

* Best Social Media Fan: Rs. 10,000

* Best Influencer: Rs. 10,000

SPECIAL FAN AWARDS:

Season tepiyong fans temi tejangraba nung yaritepba temaitsü Special Fan Awards agütsütsü. Ibai asaya mapang ola agüja ajungmesoba aser pei team bhukuma nokdakba temaitsü alitsü. Special Fan Awards shia senpet sen Rs. 10,000 agütsütsü.

ICC elite panel of umpires sangdongogo

New Delhi, Rongchii/April 04 (Agencies):

International Cricket Council (ICC)-i Elite Panel of Umpires updated list sangdongogo, kong South Africa nunger Allahudien Paleker aser England nunger Alex Wharf na densemogo.

Iba panel nung India nunger umpire tem rongnung Nitin Menon kija lir, aser pai maneni alima nung match official tajungtibatem rognung pa jenjang yanglushiogo.

Panel nung temelensi adokaka Menon ya Richard Illingworth sülen maneni tanabuba jenjang nung lir. Michael Gough aser Joel Wilson na Paleker aser Wharf nati melenogo.

ICC mendenbuba Jay Shah-i panel nung tasen züngoksemertem nem tenüngsang agütsüba den panel toktsüba umpire tem dang kanga pelaba lemsatepogo.

"Elite official asüba shi pressure aika lir, saka iba mapa takok ngua abentsü atema Allahuddien aser Alex na dak sempet, tajangshiba aser shisatsü lir ta onoki amanger aser temaba jenjang nung takok ngua inyakettü ta telunglu lema bilemer. ICC tenüng nung ni taruba season aser tarutsü nung takok nguyonga aotsü imlaja ataba lemsateper. Onokisa Joel aser Michael na dang kanga pelar," ta Shah-i ashi.

Paleker ya taoba mapang first-class cricketer ka liasü aser pa iba panel nung züngoksema atema kanga pelaba lemsatepba den pa maneni nongita taruba atema mentor aser colleague tem aser par kibong dang pelaba lemsatep.

"Umpire ama kü indang career nung iba ya kanga dang tongtibang mapang ka lir. Iba panel nung züngoksema ya khonang dang masü khureta lir. Kübu Jamalodien-a umpire ka liasü aser pai ni maneni ajungmesor," ta Paleker-i ashi.

Wharf-ia, pa dang lensayuba atema ICC aser ECB dang kanga pelaba lemsatepa liasü.

2025-26 Elite Panel nung linük balala nungi umpire tem densema lir aser India tenüng nung Menon-i temaba jenjang nung shilem agidar.

ICC Elite Panel of Umpires (2025-26)

Kumar Dharmasena (Sri Lanka), Christopher Gaffaney (New Zealand), Adrian Holdstock (South Africa), Richard Illingworth (England), Richard Kettleborough (England), Nitin Menon (India), Allahuddien Paleker (South Africa), Ahsan Raza (Pakistan), Paul Reiffel (Australia), Sharfuddoula Ibne Shahid (Bangladesh), Rodney Tucker (Australia), Alex Wharf (England).

BILEMDANGANG

"Tangatetba aliba mulungjang nung shisatsü amonger."

Kevin De Bruyne-i Manchester City yutsütsü



Manchester City, Rongchii/April 04 (Agencies):

Manchester City football club nungi asayar takotet Kevin De Bruyne-i tang asaya aliba season atemba mapang iba club yutsütsü ta Hokulbarnü sangdongogo. Belgium nunger midfield nung asayar De Bruyne teyari nung Manchester City-i Premier League titles trok, FA Cups ana, EFL Cups pongu aser 2022-23 season nung UEFA Champions League takok korang nguteta liasü.

Arishi küm 33 tain De Bruyne ya 2015 küm City-i shilangba sülen iba club nung temelensi tulu adokba nung pai tongti shilem agia liasü.

Pa Bundesliga nung Werder Bremen aser Wolfsburg nungi asayadang alimai kanga junga meteta akum aser Premier League amokbanga liasü.

Season tatemi pa asayadak moapu tasen bushitsü bilemba indang fans dang pai lemsatepogo. "Temeim Manchester, ya ngua kolenir aor angatettsü. Anungji ni indang-indanga nenok ajunga nem ya metedaktsüner, Manchester City asayar ka ama ita ishika anünga aliba ya tatem asütsü," ta De Bruyne-i shiti züluba tetenzüklen shia lir.

"Iba atema zülutsü kecha tezüpa mali, saka football asayar ka ama asenok ajaki iba

anogo ajurutsü meteta lir. Iba anogoji yangi lir - aser kündak nungi mezung angashitsü nenok dat langa lir," ya ashi.

Football ajanga nenok dangi aser iba yimti dangi ni anir aru.

Kü mangdang arishia, iba yagi

kü takum melenshitsu memeteti liasü. Iba yimti. Iba club. Yangi

aliba nisungtem... ajanga kü

nem ajak agütsü. Ni ajak meyipa

agütsüba dak alaka kecha

mali. Aser asenoki ajak kokogo," ta Belgium nungbai zülu.

"Asenoki aginüang-taginü, tatem salem ashitsü mapang tongogo. Suri, Rome, Mason, Michele aser ni kanga pelar.

Ozii tanurtem indang passports

nung 'Manchester' teti alitsü

aser ajak dang tongtipangtiba,

özü mulungjang nung alitsü."

"Küm ter yangi asayaba atema yimti, club, staff, külemi asayartem, tembartem aser kinunger dang pelaba peria melemsatepeter, saka ibai chapter tajungtiba liasü. Mapang tatsüka anünga aliba nungi asenok külemi benjontgi!" ta pai züluba liasü.